

Ermutik mundura Whatsapp bitartez

Aurtengo neguan hainbatetan egin du elurra Ermuan. Herriko kaleak zuritu dira eta makina bat arazo sortu dira eguneroko jardunean, baita ikastetxeetan ere. Elurra egin zuen egunetako batean, elurra zela eta, eskolara ez joateko mezua hedatu zen Ermua BHIko ikasleen telefono mugikorretan. Gezurra zen, eskolak ez zuen inongo mezurik bidali. Sare sozialek eta komunikazio-bide berriekin sortu daitezkeen arazo eta ondorioei buruzko gogoetarako bidea ireki zen Ermua BHI eta, hortik abiatuta, proiektu bat jarri zuen martxan ikasle talde batek: **Whatsapp bitartez euskal diasporarekin kontaktuan jartzea.**

Informazioaren eta Komunikazioaren Teknologia (IKT) irakasgaiko irakaslea da Alaitz Uscola Ermua BHI. Elurrarekin eta telefono mugikorretan hedatu zen mezuarekin gertatutakoa klasera eramatea okurritu zitzaion, eta komunikazio kanpaina bat egiteko proposamena egin zien ikasleei. Hiru baldintza bete

behar zituzten gazteen ekimenek: proiektuak webgune bat edukitzea, difusioa egitea eta sare sozialek zerkusua edukitzea. “Hasieran ez zitzaien ideiarik okurritu”, adierazi digu Uscolak, baina poliki-poliki joan ziren gauzak irteten. “Black Mirror telesailean oinarrituta, sare sozialekiko dugun dependentziaren inguruko




lana egin du talde batek; beste batzuk Euskal Herriko mendien inguruan egin dute lan; eta Elgetak Gerra Zibilean izan zuen lekukotasuna landu du beste talde batek”. Izan dira Ermua munduarekin lotuko zuen proiektua garatzea pentsatu zutenak ere: Ermutik euskal diasporara Whatsapp bitartez.

Munduan zehar sakabana-tuta dauden euskaldunekin harremanetan jartzeko mezua prestatu zuen lehenik Ermua BHIko ikasle taldeak. Euren burua aurkeztu eta

proiektuaren helburua zein zen azaltzen zuten ikasleek mezuan. Gero, Whatsapp-ak bere lana egin dezala. “Demaseko difusioa izan zuen mezuak”, adierazi digu Uscolak. “Ordu gutxitan Elko (AEB), Boise (AEB) eta beste hainbat tokitara iritsi zen mezua, eta erantzunak jaso genituen”. Denbora gutxian zortzi argazki jaso zituzten eta Ermua BHIko ikasleen egitasmoaren berri eman zen Euskal Herri osoan ere.

Sentimendu handiko harremana



TXALAPARTA
ABERNA

Eta asteburuetan
pintxoak, afariak
eta bokatak!

Erdikokale 13
(Ermua)

- Itsaskabra pudina.
- Txipiroiak.
- Piper beteak: okela edo onddoak.
- Fritoak: urdaiazpikoa edo onddoak.
- Redondo saltsan.
- Sagar tarta.
- Gazta tarta.
- Tortila patata...

ENKARGYAK
943 030 299



Asteartetik ostiralera
9:00-12:00 15:00-19:00
Larunbata
8:30-13:00



943 170474



ileapaindegia

Silvia

peluquería



688819336



Milaka kilometrora bizi badira ere, euskal sentimendu handia dago euskal diasporan. “Kutsu sentimental handia izan du proiektu honek. 2. eta 3. belaunaldiko euskaldunekin egin dugu kontakua euskal diasporan eta atsegin handiz hartu dute parte ekimenean”, dio Uscolak. Hasieran, hala ere, euskal diasporan mezua jaso zutenek ez zeukaten erantzuna nora bidali. “Batzuk erantzun nahi zuten, baina ez zekiten nora bidali euren mezua”. Beraz, euskal diasporarekin elkarlanean dabilen Eusko Jaurlaritzako sailak laguntza eskaini zuen eta mezua bideratu zituen.

Boise (AEB), Montreal (Kanada), Tailandia, Bristol

(Erresuma Batua), Elko (AEB, Necochea (Argentina), Sydney (Australia), San Francisco (AEB), Canuelas (Argentina), Caracas (Venezuela) eta Bartzelonatik (Espainia) erantzun diote Ermua BHikoek bidalitako mezuari eta <http://saresozialakermuabhi.blogspot.com.es> webgunean jaso dituzte. Euren mezua izan duen harrerak eta hartzaileek erakutsi duten sentimenduak hunkitu egin ditu Ermuko ikasleak. “Ermuan, tamalez, gutxi entzuten ditugu ikasleak euskaraz egiten, eta munduaren beste puntan euskara hainbeste maite duen jendea topatzea adierazgarria izan da”, Uscolaren berbetan. “Munduan zehar ibili behar badira ere,

euskal identitatearekin ir-tenda euren tokia errazago topa dezaketela ikusi dute ikasleek. Nonahi daude euskal komunitateak eta horrela errazagoa da modu indibidualean aurrera egitea baino”.

Proiektua ez da hemen amaitzen

Dimentsio handia hartu du Ermua BHiko ikasle taldearen proiektuak eta Kanpoan den Komunitatearen Teknikariaren laguntza jasotzeaz gain, ikastetxeko beste ikasle batzuek ere parte hartu dute ekimenean. Kanpoan den Komunitatearen Teknikariak diasporak nola funtzionatzuten duten azaldu die ikasleei eta hainbat hitzaldi eskaini ditu horren inguruan. “Kontaktu asko eman dizkigu”, azaldu digu Uscolak.

Proiektu honek izan duen oihartzuna handia izan bada ere, ikasleek ezin diote denbora gehiegi eskaini une honetan. Izan ere, ikasturtea aurrera doa eta azterketa sasoiaren buru-belarri daude. “Hala ere, harreman sendoa egin da euskal diasporarekin eta hurrengo urteotan bide

Kaixool!

Ermua BHiko ikasle talde bat gara, eta hurrengo proiektua gauzatzeko zuen laguntza behar dugu.

Hona hemen gure erronka:

Whatsapp hau munduan zehar sakabanatuta dauden Euskal Etxe guztietara heltzea dugu helburu. Mezu hau noraino eta zenbat denboran hedatu daitekeen aztertu nahi dugu. Kontakturik eman gabe, taldez talde zabalduz nora arte hel gaitezke? Jasoko ote dugu erantzunik?

Sare honetako euskaldunoi mezu hau zabaltzeko eskatzen dizuegu batetik, eta bestetik Euskal Etxe ezberdinetatik erantzunik jasotzen baduzue, mezu horiek ere zabaltu Ermura heldu arte.

horretatik jarraitzea gustatuko litzaiguke”, adierazi du Uscolak. Eusko Jaurlaritzak antolatutako Kultura Ondare lehiaketan parte hartzeko aurkeztu dute egitasmoa eta aurtun martxan jarritakoak jarraipena izango duela ematen du. “Ikasleek asko gozatu dute proiektu honekin”, eta Ermua munduarekin lotu dute Whatsapp mezu apal baten bitartez.

Ekhi Velar

